



MEDICAMEN-
TORVM OFFICINIS
Pharmaceuticis Reip. Augu-
stanae vſitatorum.

CLASSIS SEPTIMA.

EXTRACTA SEV ἐκχυλά-
ματα, eorundemq; formu-
las ac parandi modum
tradens.



EXTRACTVM
Agarici.

✶ Agarici albi & levis quantum volueris. Huic
affunde spiritus vini tantam quantitatem,
vt is duos vel tres digitos emineat: stent sic
simul in vase vitreo arctissime clauso, iun-
cturis probe obturatis, ac circumlitis, in lo-
co ca-

co calido vel saltē tepido, dies tres. Postea colentur, & leuiter exprimantur: expressū & colatū in balneo Mariæ abstracto rursus lentā distillatione vini spiritu in crassamentum cogatur, & quod in fundo cucurbitæ Mellis spissitudine residebit, id ad cōmodos vsus seruetur.

Pluitam lentam & crassam ex ventriculo maximè & mesenterio, nec non iecore, liene, pulmonibus ac vtero expurgat; à cerebro quoque, neruis & artubus eandem, licet debilius, prolicet: vermes insuper enecat, & expellit.

Alii loco spiritus vini aquā Anisi, cui oleum ademptum sit, vsurpant; correctiui loco id forsan adhibentes. Verū corrigitur eius extractio pro re & conditione ægri, aut morbi, addendo in singulas Doses guttulam vnam Olei Macis, Nucis Moschatæ, Fœniculi, Caryophyllorum, aut alterius similis.

EXTRACTVM SEV Balsamus Aloes.

¶ Aloës Soccotrinæ quantum volueris. Redigatur in puluerem: huic affunde spiritus vini rectificati, vel (si malueris) aquæ Endiuia, vel Acetosæ quantum satis; maceretur in loco calente donec liquor coleretur

tur; deindè hic relictis facibus per inclinationem eximatur, & recens rursus affundatur, tantisper id reiterando, quoad nullum amplius colorem liquor affusus extrahere videbitur. Tandem omnis humor congregatus, diligenterq; transcolatus, in iustam spissitudinem lentâ coctione vel destillatione redigatur.

INternas putredines arcet, ventriculum mundat, ac roborat: cruditates abolet, & ventrem lubricum reddit.

Eodem planè modo parantur omnia alia Extracta Simplicia. affuso nimirum Medicamentis, ex quibus vim ac energiam omnem prolicere mens est, vini spiritu, aut aquis à propriatis ad id præstandum idoneis, & additis interdum corrigentibus. Sic Extractum Rhabarbari commodè parari potest cum aquâ Agrimonix, additâ modica Spicâ & Cinamomo. Extractum Senæ cum aqua Lupuli, Scolopendrix; Boraginis aut Fumariæ, addita portione aliqua Caryophyllorum, Zingiberis, vel sem. Fœniculi. &c.

Notandum tamen aquas non ex omnibus Medicamentis Simplicibus vires elicere posse, sed potissimum ex Herbis & Radicibus non gummosis aut resinosis, vel insignem duritiem non habentibus,

tibus, ibi enim (vt in Turbetho & Mechoaca)
vini spiritu opus est, Sic etiam Gummata seu La-
eryma singularem in extrahendo dexteritatem
requirunt: hac enim in aceto resolui, ac per seta-
cæum, vt terrestres itas omnis separaretur, transmitti
postulant: acrimonia postmodum aceti reiteratis
aquarum affusionibus eluatur; tum demum in
vini spiritum demergantur, qui vim Gummatũ
profectet; inde perficiatur, vt artis est. Verum hac
diligentem ac sedulum Pharmacopœum nosse o-
porteret, vt quod cuiq; commodè & ex artis vsu af-
fine ac applicabile sit, inter preparandum adhi-
bere sciat: & pro suâ discretionem dignoscat. No-
bis autem inter Simplicia præter iam dicta in vsu
ferè sunt sequentia.

EXTRACTVM.

Agallochi,
Alhandali Trochiscorum,
Angelicæ,
Bdellii,
Calami Aromatici.
Capparorum,
Crocii,
Cucumeris Asinini ex radicibus.
Dictamnii albi,
Enulæ,
Esulæ,

Eu-

Galbani, Gentianæ
Hellebori nigri,
Hieræ Picræ,
Liquiritiæ,
Mechoacanæ,
Melissæ,
Myrrhæ,
Opopanacis,
Panacis Heraclei,
Pæoniæ,
Rhabarbari,
Sagapeni,
Senæ,
Turbith,
Zedoariæ,

EX Pilularum quoque *Massis* eodem planè modo Extracta parantur, præcipuè verò ex *Cochiis*, *Aureis*, & *Sine Quibus dictis*: quæ omnia ac singula ad præsentis Medici vsum expetita hac norma perfici, & vel per se libera, vel aliis Medicamentis maximè verò *Pilulis* admixta ex artis lege exhiberi queunt. Super sunt nunc autem nonnulla Extracta composita, nostris identidem vsitata, quarum formulas hic subiungimus.

EX-

EXTRACTVM CATHOLICON.

℞ Colocynthidos drachm. sex.

Agarici optimi,

Diagrydii,

Hellebori nigri ana. vnciam semis.

Aloës electæ vnciam vnam.

Specierum Diarhodon Abbatis vnciam semis.

Species Diarhodon in sufficiente quantitate spiritus vini per dies aliquot macerentur, ac is deindè relictis facibus suprà prædicta Medicamenta purgantia fusus in loco calido, vase probè clauso, vires eorum imbibat: postea leuiter omnibus expressis liquor transcolatus leui balnei vapore euocetur, vt Extracti spissamentum in fundo cucurbitæ resideat.

Medicamentum est Catholicum seu vniuersale, omnes in vniuersum humores exturbans. Datur à granis quinq; ad scrupulum dimidium. Aliud Catholicum, magis tamen operosum, describitur à Quercetano in Pharmacopœia Dogmat. restituta.

EX-

EXTRACTVM DIACartami, seu Cnicopharmacum Andernaci.

- Medullæ sem. Cartami vncias quatuor.
 Turbith albi,
 Foliorum Senæ. ana. vnciam vnam semis.
 Diagrydii drachmas quinque.
 Rhabarbari optimi vnciam vnam.
 Agarici Trochiscati drachmas sex.
 Mannæ granatæ vncias duas semis.
 Myrobalanorum Chebulorum vncias tres.
 Polypodii vncias duas.
 Zingiberis albi drachm. duas.

Minutim inciduntur, vel crassius conterantur,
 & in vini spiritum (ex quo pulueris confectio-
 nis Diambre vncia per dies octo macerata fue-
 rit) ponantur; stentque simul in loco calidiore
 diebus quatuordecim: deinde sacculo indan-
 tur, & sub prælo validè exprimantur, postea id
 quod expressum est, ampullæ infundatur, ac
 operculo impositum extilletur, donec ad Mel-
 lis spissitudinem peruenerit.

P Lerosq; humores, serosos tamen præ cæteris
 expurgat: caput, ventriculum, & reliqua vi-
 scera mundificat, & noxios succos blandè ac sine
 molestiâ educit. Datur vel per se in Pilulas effor-
 matum,

*maturum, vel boli specie: nonnullis etiam cum Sy-
rupi Rosari aut Violacei solutini portione aliqua
diluitur, potuiq; datur. Dosis eius est à drachma
dimidia ad scrupulos quatuor.*

EXTRACTVM CHO- lagogum, Quercetani.

Rhabarbari vncias sex.
Folliculorum Senæ vncias quatuor.
Diagrydii vnciam vnam.
Spicæ Nardi Indicæ,
Santalæ Citrini,
Cinamomi ana. vnciam semis.
Trochiscorum de Berberis drachmas
duas.
Succi Rosarum pallidarum optimè depu-
rati quantum satis.

Post iustam digestionem omnia calidè expri-
me, ac diligenter cola, fiatque lege artis Extra-
ctum in consistentia Sapæ: cui adde æquale
pondus Extracti seu Balsami Aloëtici. Misce,
& decoque ad ignem lentum vsque ad debi-
tam consistentiam.

Benignè ac sufficienter omnes humores sero-
sos calidos & biliosos expurgat. Datur à scru-
pulo vno ad drachmam dimidiam.

V

EX

EXTRACTVM HOLA- gogum Andernaci.

✱ Specierum Diambre vnciam vnam semis.

Spiritus vini libras duas semis.

Aquæ Cinamomi libram vnam.

Macerentur simul per dies aliquot in vase probe oblito, ne quid expiret: inde verò facibus in fundo relictis liquor omnis sequentibus Speciebus affundatur.

✱ Colocynthis drachmas sex.

Turbith albi drachmas septem.

Agarici albi & optimi drachmas quatuor.

Veratri nigri drachmas tres.

Eupatorii Mesuæ,

Foliorum Senæ. ana. drachmas quinque semis.

Diagrydii drachmas quinque.

Rhabbarbari electissimi drachmas septem

Omnia incisa macerentur in humore supradicto diebus quatuordecim, deinde sacculo lineo iniecta sub prelo exprimantur. Liquor excolatus in ampullam imponitur, ac in Balneo humiditas extillatur, donec id quod in fundo subest, Syrupi acquirat spissitudinem. Tunc in hoc Aloës præparatæ, rursusq; in puluere redactæ drachmæ decem resoluantur, simulq; agitando

gitando vniantur, quoad crassamentum Mel-
lis instar appareat.

Generale est Medicamentum, cunctos in-
vniuersum humores valentèr à remotis par-
tibus euocans ac expurgans; febribus tamen con-
tinuis, ac morbis acutis haudquaquam securum.
Datur à scrupulo semis ad scrupulum vnum.

Aloës sic præparatur. Accipe Aloës opti-
mæ libram vnā, Aceti Rosacei partes
duas, Aquæ Rosarum odoratissimæ partem
vnā. Amborum horum liquorum hac pro-
portione iunctorum sumatur quantum satis
est: bulliant simul bis, vel ter, colenturq; ac ex-
primantur, & id quod percolatum est, lento
igne rudiculâ semper agitando, coquatuo ad
pristinâ Aloës spissitudinē, ac vsui referuetur.

EXTRACTVM MELAM- podii seu Hellebori nigri.

Radicum Hellebori nigri mundatarum
quantum volueris.

Macerentur in aquâ pluuiali calente vase
tecto; hæc vbi per horas aliquot in infusione
steterit, ac vires radicū proleclauerit, transco-
lata seorsim afferuetur, & prioribus radicibus
alia rursus aqua pluuiæ feruens affundatur, id-
que sic ter iteretur. Tandem omnis aqua vim

V 2

radi

radicum Hellebori habens, iuncta ac diligenter colata ampullæ vitreæ indatur, extilleturque inde omnis humiditas, donec extracti spissitudo Mellis instar in fundo cucurbitæ resideat.

Melancholicum succum, & alios humores adustos solutu contumaces potenter euacuat. Elephantiasis, Lepra, Scabiei, Arquato, aqua intercuti, Epilepsia, ac aliis id genus affectibus opem fert; vermes necat, & animalia in ventre nata propellit: morbis inueteratis ac Chronicis, qui lenioribus pharmacis non cedunt, medicamentum auxiliare. Datur post modicam cœnam à granis tribus ad grana sex, septem, aut octo, nebulis inuolutum, vel in formam boli cum Saccharo effectum. Id nobis D. D. Raymundus Mindererus, Collega noster gratissimus in communem utilitatem attulit.

Nonnulli ad extractum hoc parandum aquâ Anisi recipiunt, alii alia addunt Corrigentia. Nos simplicissimo hoc præpère contēti fuimus, quando Hellebori malitiam, Aromatū pro eius correctione sibi iungi solitorū admixtione augeri ac fortificari, purgantemque eius exorbitantē vim ab his ipsis intēdi notauim⁹. Alias autem descriptiones aut modos Hellebori extrahendi qui scire voluerit, Quercetanium, Weckerum, Heurniū, & alios consulat.

EX-

EXTRACTVM MELA- nagogum, quercetani.

Folliculorum Senæ vncias sex.
 Radicum Hellebori nigri præparati vncias
 duas.
 Turbith,
 Myrobalanorum omnium. ana. vnciam.
 vnam semis.
 Trochiscorum Alhandal drachmas sex.
 Florum Violarum,
 Rosarum rubearum.
 Epithymi. ana. pugillos duos.
 Spec. Lætificantis Galeni drachmas duas,
 Succorum optimè depuratorum.
 Fumariæ,
 Pomorum redolentium,
 Seri lactis. ana. quantum satis est.

Incisæ & contusæ species supradictæ lege artis
 in succis & liquoribus iam dictis macerentur,
 & digerantur in Balneo per octiduum: postea
 colentur, exprimantur, depurentur, ac in Ex-
 tractum reducantur.

A Tram bilem, ac salfos, adustos & retorridos
 humores euocat: Psora, Scabiti, ac Elephan-
 tias medetur.

V 3

EX-

EXTRACTVM PAN- chymagogon.

☞ Specierum Diambrae vnciam vnam semis.
Macerentur in spiritus vini libris quinque; commissuris vasis arctissime clausis per dies quatuordecim, materiam hanc subinde agitando; tunc, vbi spiritus vini rubicundissimus euaserit, a Speciebus iam dictis separetur, superfundaturque sequentibus.

☞ Scammonii recentis vnciam semis.
Rhabarbari electi,
Seminis Ebuli ana drach. tres,
Colocynthidos drachmas quinque.
Agarici optimi drachmas tres semis,
Turbiti albi,
Hermodactylorum ana drachmas duas semis.

Veratri nigri drachmas duas.

Foliorum Senae vnciam vnam.

Stent simul in infusione loco repente vel calido per dies decem; postea colentur & exprimantur: ac in expresso dissolue Aloës Soccorinae drachmas duodecim, & prælo exprime; expressum rursus per triduum in Balneo Mariae maceranda inde liquorem exhala, vt Mellis crassitudinem Extracti spissitudo in fundo residens adipiscatur.

Omnes

O Mnes in vniuersum humores expurgat,
ac è longinquis partibus potenter educit.
Datur à scrupulo dimidio vsq; ad scrupulum v-
num in robustis.

EXTRACTVM PHLEG- magogon, Quercetani.

Agarici Trochiscati vncias quatuor.
Hermodytylorum,
Turbith,
Senæ,
Medullæ Cartami. ana. vncias tres.
Rad. Esulæ præparatæ vnciam vnam.
Trochiscorum Alhandal. vnciam semis.
Salis Gemmæ,
Macis. ana. drachmam vnam semis.
Spec. Aromatici Rosari drachmas duas.
Cum aqua Cinamomi fiat Extractum.

Morbus omnibus pituitosis, & a frigidis humo-
ribus ortis conuenit. Hydropicos, Arthriti-
cos, Podagricos, & Epilepticos inuat.

LAVDANVM OPI- atum.

Specierum Diambæ completarum vncias
duas.
Opii Thebaici drachmas sex.
Mumiæ drachmam semis.

V 4

Succi

Succi Hyoscyami vnciam vnam.

Coralli rubri præparati,

Succini albi præpar. ana. scrupulos duos,

Croci scrupulum vnum.

Moschi Orientalis grana quindecim.

Ambrae verae grana duodecim.

Cum spiritu vini rectificato, ac quinquies correcto, fiat secundum artem Extractum.

D Olores quoscunq; Colicos præsertim sedat; somnum conciliat ac internos cruciatus mulcet: non tamen nisi à peritissimis Medicis, & suo tempore adhibendum.

E Extracta, maximè verò Purgantia, Pilularum mox seriem ideò subsequi volumus, cum quod hæc ipsa ex Pilulis persæpè parentur, tū quod formā plerumque Pilulari exhiberi, aut Pilulis acuedis indi soleant. Quibus alia quæque non purgantia Extracta (prout & Ladanum Opiatum, cuius tamen varia & multiplices formulæ circumferuntur, ac hinc inde descriptæ leguntur) adiunximus; ne si vnam in Classē non cogerentur, confusionem lectori fastidio futuram paterent.

E Extractis iam dictis merito annumerari possunt ac debent Balsami artificiales, Officinis nostris familiares, utpotè.

Bal-

Balsamus apolepticus.

Caryophyllorum.

Cinamomi.

Citri.

Macis.

Majoranæ.

Nucis Moschatae.

Rorismarini.

Rosarum.

Rutæ.

Succini.

Hec etiam spectant Sales artificiosæ ex *Herbæ*
 & radicibus parati, maxime vero.

Sal Absinthij.

Artemisiæ.

Betonicæ.

Cardui Benedicti.

Centaurii minoris.

Ebuli.

Eupatorii.

Fraxini.

Fumariæ.

Melissæ.

Pimpinellæ.

Rutæ.

Scolopendrij.

Tamarisci.

Et consimiles alij.

Vj

Coha-

Cohærent his alia quadam Metallica, ut-
porè.

Sal Saturni.

Vitrioli,

Nitrum Sulphure purgatum.

Crocus Martis.

◦ Flores Sulphuris,

Flores, ac vitrum Antimonij.

Antimonium Diaphoreticum.

Turbethum minerale, & cætera.

Horum autem præparationes studio subtrahi-
mus, ne quilibet agyrta tam periculosorum
Pharmacoporū modum exinde addiscant, eorun-
demq; usum temerario ausu ineat, unde furioso
gladium porrexisse videri possemus, cum non nisi
peritissimi Medici, nec vero quandoq; sine periculo
his uti queant. Vide Andernacum, Osvaldum
Crollium, Quercetanium & alios.

LAPIS SEPTICVS, SEV cauterium poten- tiale.

✠ Cineris Clauellati,

Calcis viuæ ana. partes æquales.

Macerentur per dies aliquot in aqua commu-
ni; postea colentur, & clarum coquatur vt ar-
tis est.

Es

EO Chirurgi in parandis emissariis seu fonticulis ac abscessibus extrorsum vergentibus communiter videntur.

LAPIS PHILOSOPHORUM.

R Alumini Rochi seu communis

Vitrioli Hungarici. ana. libram vnam.

Misceantur in olla non vitreatâ, affundendo aquæ fontanæ libras quatuor: hæc perpetuò agitando ad ignem lentum spumam semper auferendo liquecant; postea adde

Boli Armeni vnciam vnam semis.

Cerussæ albæ & mundissimæ vnciam vnam.

Camphoræ drachmas duas,

Minutissimè puluerisata misceantur, rudicula semper agitando, ac sub finem addendo

Aceti Vini albi libram semis.

Coque ad iustam Lapidis consistentiam.

Mirabilis eius usus in ulceribus fluidis ac putridâ humiditate fædis, sinus & fistulas extergit ac consolidat: ulceribus insuper malignis (quæ Cancrothe vocant) cicatricem inducit.



MEDI-